



77 kompaun dikeluarkan dalam Op Jerai di Sungai Petani

<https://headtopics.com/my/77-kompaun-dikeluarkan-dalam-op-jerai-di-sungai-petani-8537341>Utusan Online

Operasi ini melibatkan seramai 64 orang pegawai penguat kuasa JAS dari Perak, Pulau Pinang dan Perlis.

SUNGAI PETANI 26 Sept. - Sebanyak **77 kompaun** dikeluarkan hasil pemeriksaan oleh Jabatan Alam Sekitar (JAS) Kedah terhadap **74 buah kilang** di daerah Kuala Muda di sini, sejak empat hari lalu sehingga hari ini.

Hasil pemeriksaan di empat buah kawasan perindustrian tersebut iaitu di Taman Ria Jaya, Bakar Arang, Bukit Selambau dan Gurun, sebanyak 58 buah kilang memiliki lesen yang sah manakala 16 buah lagi adalah kilang haram. Kompaun-kompaun pula dikeluarkan berikutan pelbagai kesalahan yang dilakukan termasuk pencemaran asap dan bau busuk.

Pengerusi Jawatankuasa Hal Ehwal Masyarakat Cina dan Siam, Sains dan Teknologi, Perubahan Iklim dan Alam Sekitar negeri, Simon Ooi Tze Min berkata, operasi itu melibatkan seramai 64 orang pegawai penguat kuasa JAS dari Perak, Pulau Pinang dan Perlis."Banyak kilang tidak mematuhi syarat lesen dan Akta Kualiti Alam Sekitar 1974 sehingga ada antaranya mengeluarkan bau busuk dan pencemaran asap.

"Op Jerai dilakukan hasil aduan daripada penduduk tempatan," katanya pada sidang media di Pejabat JAS Sungai Petani di sini. Yang turut hadir Pengarah Jabatan Alam Sekitar (JAS) Kedah, Tunku Khalkausar Tunku Fathahi dan Ketua Cawangan JAS Sungai Petani, Ya Mohammad Nazir Syah Ismail.

Tze Min berkata, operasi itu dilakukan dengan kerjasama kakitangan Jabatan Imigresen Kedah. Tambahnya, pelbagai sampel diambil dalam operasi itu dan akan dihantar ke Jabatan Kimia untuk dianalisis sebelum tindakan penguatkuasaan selanjutnya. - UTUSAN ONLINE